庫全書

子部

欽定四庫

大學行義卷四十二

于部

詳校官中書臣孫 球

刑部即中臣許兆棒覆勘 總校官降調編修戶倉里脉

校對官編修正汪學金 腾绿殿生 臣王

宫

とこう としい 同生所以正國家之本防後世配 大學衍義 真德秀 撰

金定匹庫全書 何也天下無生而貴者誓於天子然後為世子 嫡奪正之事垂訓之義大矣此世子也其不曰世子 是則國本之定不在於建儲之日而已定於始生 臣按賈誼之書有曰誓明則民定而出於一道故 子則已表而揚之使國人皆知之所以繫衆望也 也不可以智求不可以力争也臣謂古者之生世 人争為宰相而不姦為世子非宰相尊而世子畀 初此春秋於子同之生必謹而書之也

僖 九己印巨 公事 管仲屬孝公於宋襄公以為太子雍巫有罷於衛共姬 冱 因寺人貂以薦蓋於公难亚班人名亦有罷公許之立 好内多內罷內嬖如夫人者六人長衛姬生武孟斌 月乙亥齊桓公卒易牙入與寺人貂因內罷以殺羣車 子客姬生懿公的人宋華子生公子雅華氏之公與 少衛姬生惠公元子鄭姬生孝公昭子葛蘇生昭公 盖易牙既有 龍於公 為管仲卒五公子皆求立冬十 十七年齊侯之夫人三王姬徐嬴縣姬皆無子齊侯 大學行義

勝四公子之徒遂與宋人戰無断已死故夏五月宋敗 **露灯四月月月** 殩師于甗立孝公而還 諸侯代齊三月齊人殺無虧以說齊人將立孝公不 權龍內官 臣按管仲相桓公霸諸侯匡天下而身殁未幾五 其所以不早定者溺爱於少子故也益桓公君臣 公子争立國内大亂垂二十年以不蚤定之故也 以富國疆兵為急而不知修身齊家之本故其 而立公子無虧孝公奔宋十八年春宋襄公

晏孺子羣公子畏誅皆出亡晏孺子元年田乞奏大攻 史記齊景公適子死寵妾芮姬生子茶茶少其母賤無 夫曰為樂耳國何患無君乎秋景公病命國惠子高昭 公老惡言嗣事又爱茶母欲立之憚發之口乃謂諸大 行諸大夫恐其為嗣乃言願擇諸子長賢者為太子景 子立少子茶為太子逐羣公子景公卒太子茶立是為 福卒兆於此可不戒諸

文三月后 A.

高昭子殺之乃使人之魯召公子陽生陽生至齊匿田

大學仍義

鮑 孺子少故無權國人輕之 頻首日可則立之否則已鮑叔恐禍起乃復日皆景公 會飲田乞盛陽生索中置坐中發索出之曰此齊君也 乞家十月田乞請諸大夫曰常之母有魚菽之祭幸來 子也何為不可乃與盟立陽生是為悼公悼公入宫使 遷晏孺子於點殺之而逐孺子母为子的子故賤而 叔怒曰子忘景公之命乎諸大夫相視欲悔陽生前 臣按景公之失亦由嗣子不蚤定之故其所以

金分世月白書

卷四十

欠已日年 上島 并兵以代魏乗其國内亂戰於圖澤魏氏大敗趙謂韓 魏武侯卒子瑩與公中緩爭為太子韓懿侯與趙成侯 兩 君人必曰暴割地而退人必日貪不如兩分之魏分為 日除魏君立公中緩割地而退我且利韓曰不可殺魏 不强於宋衛則我終無魏之患矣趙不聽韓不悅 亂命而適以改田乞之姦心殺茶而立陽生齊國 蚕定者以私欲立茶之故也雖高國二臣曲從其 之政遂歸田氏不再傳而田氏代齊矣吁可戒哉 大學行義

請立太子上曰朕既不德上帝神明未歆享天下人民 和也若從一家之謀則魏必分故曰君終無適子其國 其歩卒夜去惠王之所以身不死國不分者二家謀 金石四屋石量 漢文帝元年正月有司言曰蚤建太子所以尊宗廟也 可破也 未有赚志懂音令縱不能博求天下賢聖有德之人而 云 臣按通嗣之不蚤立敵國之資也故書之以為戒 卷四十

家之大體吳王於朕兄也惠仁以好德淮南王弟也東 禪天下馬而曰豫建太子是重吾不德也謂天下何其 德以陪朕豈為不豫哉諸侯王宗室昆弟有功臣多賢 安之有司曰豫建太子所以重宗廟社稷不忘天下也 及有德義者岩舉有德以陪朕之不能終是社稷之靈 有德者而專於子非所以憂天下也朕甚不取有司皆 天下之福也今不選舉馬而曰必子人其以朕為忘賢 上曰楚王李父也春秋髙閱天下之義理多矣明於國

次定四車 全等

大學行義

莫不長馬用此道也立嗣必子所從來遠矣髙帝親率 金グリカノニ 始受國者皆亦為其國租子孫繼嗣世世弗絕天下之 士大夫始平天下建諸侯為帝者太祖諸侯王及列侯 固請曰古者殷周有國治安皆千餘載古之有天下者 仁請建以為太子上乃許之太子立是 侯及宗室非高帝之志也更議不宜 子啟最長純厚慈 大義也故高帝設之以撫海内今釋宜建而更選於諸 臣按文帝以謙力辭而有司以誼固請然後文帝

欠正可臣 二 屈而從之君臣之間可謂兩得矣 未立張述以太常博士請遴擇宗親才而賢 則有故事矣仁宗皇帝春秋四十有四聖嗣 固也然在位久而繼嗣未生如之何曰本朝 者異其禮秩試以職務俾內外知聖心有所 以上論建立之計宜蚤或曰國本之宜蚤建 屬豆稀其後范鎮以陳官言之產稀趙林以 御史言之同司馬光以并州通判亦言之 大學衍義

出厅四届全書 是乎壯吁此我祖宗公天下之心三代以來 於皇族中擇宗室之賢者一人使視皇子以 皇帝建炎三年元懿太子薨布衣李時雨乞 之所未有者也因傳著於此云臣伏見髙宗 言者追賴韓琦而後定馬太山磐石之基於 自是文彦博歐陽修王堯臣吳奎諸臣莫不 係四海之望是時髙宗年甫二十有三耳不 以太蚤為忤也追紹與元年張浚言之婁寅 卷四十

炎定四華全藝 文王世子篇紀凡三王教世子必以禮樂樂所以修內 也禮所以修外也禮樂交錯於中發形於外是故其成 定國本 输教之法宜豫 亮又言之上讀寅亮之言於是大悟越五年 孝宗皇帝有建國之封是高宗以二十五而 定議二十九而錫命也其為宗社之計尤蚤 於仁祖也於乎懿哉 大學行義

維以時入 金万里 君 能 周 學 臣之道也太傅審父子君臣之道以示之少傅奉世 身以輔真之而歸諸道者也謂安龍之 持有 以觀太傅之德行而審喻之太傅在前少傅在後 有 君子曰德徳成而教尊教尊而官正官正而國 師保有疑丞設四輔及三公不必備唯 之四 說恭敬而温文立太傅少傅以養之欲其知父子 入則有保出則有師謂 人師也者教之以事而喻諸徳者也保也者慎 入燕 **時是以教喻而德成也** 記 其人語 日虞夏商

1.1.

欠已四戶公事 為世子則無為也可用世子之禮 是故抗世子法於 然後能使人成王幼不能治作王幼未能治君位也 然後可以為人父知為人臣然後可以為人君知事人 於伯禽所謂魯公養也所以善成王也是故知為人子 臣長幼之義也君之於世子也親則父也尊則君也有 伯禽使之與成王居於成王側欲令成王之知父子君 君之謂也仲尼曰昔者周公攝政踐阼而治抗世子法 父之親有君之尊然後魚天下而有之是故養世子不 大學行義

然而眾著於君臣之義也其三曰将君我而與我齒讓 矣其二曰将君我而與我齒讓何也日有君在則禮然 學之謂也事也故世子齒於學國人觀之日將君我而 君在斯謂之臣居子與臣之節親親也 故學之為父 與我齒讓何也日有父在則禮然然而衆知父子之道 可不慎也行 子馬學之為君臣馬學之為長幼馬父子君臣長幼之 也日長長也然而眾知長幼之節矣故父在斯為子 一物而三善皆得者唯世子而已其齒於

我写四月 有書

卷四十

道得而國治語曰樂正司業父師司成一有元良萬國 以自世子之謂也司主也一一人元 敬心敬心生則慢心室矣樂所以感人之和心和 臣按三王之教世子必以禮樂者禮所以起人之 心生則戾心消矣其薰陶德性變化氣質莫妙於 悅懌而已恭敬温文而已恭者敬之發於外者也 此者然樂雖修內由內以達外禮雖修外由外 个二者醺醲涵暢相與無間故其成也但見其

欠足习事 心島

大學衍義

金公口屋 名量 晓之也太傅少傅所以教者雖同然太傅以身教 迪以養其本然之善使之自然開悟也然其道無 修於身以示之也少傳以審喻言謂開說其義以 敬者恭之主於中者也温則不暴文則不野此皆 教之以禮樂之功也然禮樂者教之之具而師傅 他不過父子君臣之大倫而已太傅以審示言謂 者教之之人故立太傅少傅以養之養者從容改 少傅以言教二者益互相發也以一世子之身而

徳也保則安護世子之身輔之翼之使歸諸道耳 德教之以事長之事則知弟之德天下無事外之 子以事而喻諸徳謂教之以事親之事則知孝之 而左右之教安得不達德安得不成哉師者教世 也古者所謂師保其職益如此周公抗世子法於 目口體不以欲而動即所謂道天下無身外之道 太傅在前少傅在後入有保出有師四人者維持 伯禽者益成王雖幼已為君矣不可復以教世子者

欠正の巨八言

大學衍義

多分四周全書 亦不過為人子為人臣與事人之道而已能此三 撻也撻伯禽則成王知警矣然周公之所以教者 以善成王也傳言成王有過則撻伯禽成王不可 教之惟以教世子者教伯禽使成王觀之是乃所 為君者也而乃與公侯卿大夫士之子以齒為後 皆入於學而世子與之齒遜馬夫天子之世子將 者則他可類推矣古者天子公侯卿大夫士之子 何哉君在故也父在故也長長故也身為世子 卷四十

為天子二世而亡人性不甚相遠也何三代之君有道 保傳篇謹慎夏為天子十有餘世而殷受之殷為天子 之長而秦無道之暴其故可知也古之王者太子廼生 十餘世而周受之周為天子三十餘世而秦受之秦 然視效者哉秦漢以來禮樂既廢而又無師保之 而以尊君親親敬長之道為天下倡人其有不翕 教齒胄之禮世子生而狃於貴驕之習此篇雖存 無復有考之者矣此治之所以不古岩與

次已四車全等 一四

大學行義

置三少皆上大夫也與也謂曰少保少傅少師是與太 子宴者也故通孩提有識更猶三公三少固明孝仁禮 傅傅之徳義傳輔師導之教訓此三公之職也於是為 固舉以禮使士負之有司齊肅端冕見之南郊見於天 金石以及人工 為太保周公為太傅太公為太師保保其身體保司安 自為赤子而教固已行矣周成王幼在襁褓之中召公 也朝也過闕則下故君與過廟則超孝子之道也故 義以導習之逐去犯人不使見惡行於是皆選天下之

端士孝悌博聞有道術者以衛翼之使與太子居處出 て・シファ ここう 擇其所樂必先有習通得為之所味好而誘之孔子曰 後皆正人也夫習與正人居之不能毋正猶生長於齊 之色則入於學承師問道退習而考於太傅太傅罰其如此則入於學承師問道退習而考於太傅太傅 於楚不能不楚言也故擇其所嗜必先受業通得當之 少成若天性習首如自然慣同及太子少長知如色知 不能不齊言也習與不正人居之不能毋不正猶生長 入故太子通生過始而見正事聞正言行正道左右前 大學衍表

成人免於保傅之嚴則有記過之史徹膳之宰進善之 **多定匹庫全書** 道岩性皆合于道如性自道光性言教化與心俱成 旌 不則而匡其不及則德智長而理道得矣及太子既 親饋之 其過請 H 誹 秋暮夕月所以明有敬也春秋 誇之木敢陳之鼓瞽史誦詩替無 少雖切亦能受 題謂智聞規海 詩長 所以明有孝也行以鶯 以 飆大夫進謀士傳民語習與智長故切 之與 而智 然此所為 不俱 媤長 恨故 也諫 三代之禮天子春朝 和實和車步中 之 入學坐國老執 目 化 與心成故中 工 誦箴諫 冠

作葬又作炎樂詩名也字或 於禽獸見其生不恐見其死聞其聲不恐食其肉故遠 固非貴辭讓也所上者告計也固非貴禮義也所上者 九三月月 三十 位 刑 以長久者以其輔翼太子有此具也及秦而不然其俗 所習者非斬則人則夷人之三族也故胡亥今日即 罰也使趙高傅胡亥而教之獄趙高宦者秦中 而明日射 之類弗身政所以長恩且明有仁也夫三代之所玉無日血氣所以長恩且明有仁也夫三代之所 人忠諫者謂之誹謗深計者謂之妖言其 趣中肆夏亦樂詩名所以明有度也其 大學衍義 1

其己事可知也然而不能從者是不法聖知也秦世所 其所以道之者非其理故也鄙諺曰不習為吏視已成 視殺人者艾草首芝精印州管豈惟胡亥之性惡哉彼 銀定四月全書 以亞絕者其轍跡可見也跡曰轍車然而不避是後車 命懸於太子太子之善在於早諭教與選左右離晚告 料覆也夫存亡之變治亂之機其要在是矣天下之 夫心未濫而先諭教則化易成也開於道術知義理 事也、又曰前車覆後車誠夫三代之所以長久者

欠日,910年 /14 相 而 人生而同聲嗜欲不異及其長而成俗累數譯而不能 左右正則太子正矣太子正而天下定矣 指則教之力也若其服習積貫則左右而已胡粵之 通 不 餘藴矣 行者有雖死而不能相為者則教習然也 臣按保傅之篇雖漢賈誼所作大抵古之遺言也 能 相 知教諭之方者文王世子其首而此篇次之無 放 效於 死 故曰選左右早前教最急夫教得而 大學衍義 et et) 之言 殊習

郵好四周全書 畏服矣知所以聽言受事則不欺嵌矣知所以安利萬 漢晁錯學申商刑名孝文時詔太常遣錯受尚書伏生 鮑魚不登於組豈有非禮而可以養太子哉 知術數也故人主知所以臨制臣下而治其衆則羣臣 所因上書言人主所以尊顯功名揚於萬世之後者以 周文王使太公望傅太子蔡嗜鮑魚而太公弗與曰禮 民則海內必從矣知所以忠孝事上則臣子之行備矣 臣按古人之教太子其嚴如此可以為萬世法矣

奉其宗廟而却殺于其臣者皆不知術數者也皇太子 奇馭射伎藝過人絕遠然於術數未有所守者以陛下 所讀書多矣而未深知術數者不聞書說也夫多誦 為心也竊願陛下幸擇聖人之術可用今世者以賜皇 不知其說所謂勞告而不為功臣竊觀皇太子材智高 太子因時使太子陳明於前唯陛下裁察上善之於是 知事為也臣之愚誠以為不然竊觀上世之君不能 四者臣竊為皇太子急之人臣之議或日皇太子亡

欠巴马車上馬

大學衍義

金石口屋 有量 拜錯為太子家令 子一 臣按錯與賈誼皆所謂明申韓者也誼之論教太 周召之言固嘗聞之矣而此疏所陳無一語與之 有以深契其心敷且是時錯方受書伏生所伊傅 誼而用錯馬豈非帝之學出於黃老故於錯之言 之異如此詎可同日語哉文帝擇東宫之傳卒舍 合者豈所受者唯訓詁章句而於義理初未嘗玩 一出於孝仁禮義而錯專以術數為言其醇駁

处已四年 日馬 多以異端進者據被競事已 武帝為太子據立博望苑使通賓客從其所好故賓客 士以為保傳師友使朝夕與之遊處左右前後無非 司馬光曰古之明王教養太子為之擇方正端良之 基禍者也 者不開之以理義而誘之以數術未有不誤事而 七國之變其原葢兆於此然則世之任輔導之責 而釋之故耶其後錯事景帝建為削地之議遂召 大學行義

金分以此名言 晉元帝立子紹為太子帝好刑名家以韓非子賜太子 **庾亮諫曰申韓刻薄傷化不足留聖心太子納之** 中人之情宜太子之不終也 子自通賓客從其所好夫正直難親諂諛易合此固 正人然猶有淫放邪僻而陷於禍敗者馬今乃使 臣 放恣李斯嘗以誤二世矣豈可以教儲貳者耶 按申韓之學非唯刻薄而已且導人君以驕淫 太

次足四車全勢 重之才以居輔導之職帝卒以總為詹事頃之總與太 前世文士也 而無壓紡之實問四皓中國輔弼諸宫謂潘岳陸機皆而無壓紡之實問四皓中國輔弼諸宫 陳宣帝太子叔寶欲以左戶部尚書江總為詹事令管 于為長夜之飲太子亟微行遊總家上怒免總官 記陸瑜言於吏部尚書孔與與謂瑜曰江有潘陸之華 之士今皇太子文華不少豈藉於總如臣愚見願選敦 鷄有所難太子自言於帝帝將許之與奏曰江總文章 **亮雖清談之徒然斯言則有益於世故取馬** 大學行義

金与巴力人 憲宗元和初右拾遺元稹以貞元中王伾王叔文以伎 術得幸東宮永貞之際幾亂天下上書勸上早擇脩正 之士使輔導諸子以為太宗自藩王與文學清修之士 導之職其有損無益也宜哉 端良忠信之士輔而異之亦未必無補乃如叔寶 臣按孔與之言可謂忠矣叔寶資雖間劣然使得 流連竟以亡國益文士多浮華而少實以之居輔 之請竟用江總其後即位以總等為狎客酣營帰 長四十

欠正印戶公事 就使得僻儒老生越月踰時僅獲一見又何暇傳之徳 傅之官非眊瞶廢疾不任事者則休戎罷帥不知書者 教之況萬乘之嗣繫四海之命乎上頗嘉納其言 **義納之法度哉夫以匹士愛其子猶知求明哲之師** 有之其友諭贊議之徒尤為冗散之甚搢紳皆恥由之 十八人居後代太子諸王雖有僚屬日益疎賤至於師 雖頗嘉納然其後立遂王為儲貳未聞妙選 臣按元稹欲為太子諸王簡僚屬其論當矣憲宗 大學行義

金好四周在書 人學你养卷四十 所不有卒願元和己成之業吁可惜哉 之賢俊以充輔導之職也嗣立未幾游畋聲色無 以上論諭教之法宜豫

克拉王弟子 克莊王弟子 宰伯告王遂與王殺周公黑肩王子克桓王太子王子宰伯告王遂與王殺居王而立王子克莊 欽定四庫全書 齊家之要 大學行義卷四十二 定國本 嫡庶之分宜辨 大學行義 宋 真徳秀 撰

也周公弗從故及 白並后 得免乎宜周公之及難也 臣 有 王之私也君臣共成其私而不顧天下之正理 按莊王嫡也子儀庶也桓王屬子儀於周公是 私之之心也周公欲我莊王而立子儀是成桓 初子 稱管至父戌葵丘 難及也於 儀有罷於桓王桓王屬諸 兩政 命臣 擅 耦 國 國都 周公卒伯 瓜時而

請代弗許故謀作亂僖公之母弟曰夷仲年夷仲字 とこける という 稱有從妹在公宫無寵使問公問除之 食瓜 孫無知有雅於僖公衣服禮秋如適 候 以女為夫人也女音汝冬十二月弑君立無提免也言無知事成則冬十二月弑君立無 秩皆與適同則 按兄弟之子猶子也爱之之 二人因之以作圖謀亂因無知之怨遂作亂二人直稱管至父二人本 及瓜而代 食瓜則 瓜則代選期戊公問不至之明年又期人公問不至 不可僖公之寵無知宜若厚於兄 大學行義 則 子 日捷吾以女為 可而衣服禮 襄公绌之 亂 矢口

卸佐四库全書 而卑庶也適子冠乎作禮之用體 所以統人情而理陰氣也 除别適長之位 王之寵遇於太子之寵遇於皇后定 宜哉 弟之子者而不知古人崇異世嫡之禮非以自 肵 以明尊早之分杜僭忒之源也其召後日之禍 時傅昭儀及子定陷王愛幸 日嫡禮之 丞相匡衡上疏 日 聖王必慎妃后 氣禮 於內也早不踰尊新不先 順屬 雕故陰 口理 理得 龍於皇后太子 海魚其尊 泉子不得 私 昭言

三國吳大帝赤鳥五年立子和為太子霸為魯王霸和 當尊者早則伎巧之姦因時而動以亂國家故聖人謹 中心與之殊異故禮探其情而見之外也如當親者疏 母弟也吳主權愛之與和無異其傅是儀諫曰魯王無 防其端禁於未然不以私恩害公義 **淡定四草全勢** 列所以貴正體而明嫌疑也非虚加其禮文而已乃 得而並馬肯哉斯言人君不可以不知也 臣按匡衡援古人之冠禮以明適子之重聚子不 TEN, 大學行義

端異尊早之禮使馬下有差等級踰邀則骨內之恩全 使寵秩有差則彼此得所上下獲安矣書三四上辭 正上下之序不聴八年春具太子和與魯王同宫禮秋 資文武宜出鎮四方為國藩輔且使二宫有所降殺 金ダセルイニ 龍日我霸黨從而毀之權惑馬陸遜諫曰正統落臣當 有隙霸曲意交結名士於是仇黨疑貳舉國中分太子 切權不悅太常顧譚上疏曰有國家者必明嫡庶之 一羣臣多以為言吳主權乃命分宫列僚二子由是 麦 情

睦将有表氏之敗為天下笑若使一人立者安得不亂 久至四年 在四 手遂有廢和立亮之意然猶沉吟歷年至是乃幽太子 霸結朋黨以害其兄心亦惡之謂侍中孫峻曰子弟不 公主既與太子和有隙欲豫自結數稱亮美權以會王 患而卒初潘夫人有寵於吳主權生少子亮權愛之全 譚於交州權以魯王霸楊竺之諸數遣使責問遜遜憤 便魯王也由是霸惡譚全悰亦惡之相與諧之吳王徙 **觊觎之望绝矣臣之所陳非有所偏誠欲以安太子而** 大學行義

亮為太子 主大怒族誅正泉奉據晃入殿據晃猶叩頭流血 闕請和而無難督陳正及五營督陳象各上書切諫 子冤死臣竊懼太子不堪其憂雖立思子之官無及也 歸心昔晉獻用驪姬而申生不存漢武信江充而戾太 和将軍朱據諫曰太子國之本根加以雅性仁孝天下 金好四月百十 不聽據與尚書僕射屈晃率諸将吏況頭自縛連 挽權杖之 百遂廢和為庶人徒故 鄣賜霸死立子 詞 日 呉 氣

以輔至德今動經時月不見官臣将何以裨益萬一不 太子久不出見官屬右庶子張玄素諫曰朝廷選俊賢 唐武德九年太宗立皇子中山王承乾為太子貞觀七 シューショ を 達數直諫上聞而嘉之各賜金一斤絹五百匹十四年 馬此人主所宜戒也 臣按吳主不監匹嫡之戒既立太子又寵魯王禮 ·好嬉戲順虧禮法左庶子干志寧右庶子孔詢 7.1. 陸遜顧譚力諫不聴卒以基禍至於两廢 179 大學行義

官志寧上 十五年太子治宫室妨農功又好鄭衛之樂詹事于志 腌 夫褚遂良上疏以為聖人制禮尊嫡早庶世子用物不 延時後人物輻凑門庭如市泰月給踰於太子諫議大 之賢王皆招士者書故泰奏請修之於是大開館舍廣 十六年魏王泰上拓地志泰好學司馬蘇勗說泰以古 寧諫不聴又寵昵宦官常在左右又引突厥達哥友入 一書切諫太子遣刺客殺之二人不忍殺而止 G.

多好四庫全書

秋八月上日當今國家何事最急褚遂良日今四方無 使之安全宜每抑其驕奢不處嫌疑之地上遽遣泰歸 又令泰徙居武德殿魏徵上疏以為陛下愛魏王常欲 以謙儉乃為良器此所謂聖人之教不肅而成者也上 除禍亂之源也昔漢竇太后寵梁孝王卒以憂死宣帝 龍准陽王亦幾至於敗今魏王新出閉宜示以禮則訓 會與王者共之庶子雖爱不得踰嫡所以塞嫌疑之

たこのえ ハルト

大學行義

十七年春正月上謂羣臣曰聞外問士民以太子有足 定我今賴公即其義也假乃受詔 獻廢嫡立庶危亡國家漢萬祖幾廢太子賴四皓然後 之疑九月徵為太子太師徵表辭上手詔諭以周幽晉 待臣口令羣臣忠直無踰魏徵我遣)侍太子使絕天下 承乾失德魏王泰有寵羣臣日有疑議上聞而惡之謂 虞唯太子諸王宜 有定分最急上曰此言 是也時太子 疾魏王頛悟多從遊幸遽生異議徼幸之徒匕有附會

多定四库全書

察上命黃門侍郎幸挺攝春府事後命工部尚書杜楚 朋黨太子畏其逼遣人詐為泰府典籤上封事其中旨 因說以魏王聰明宜為上嗣文武之士各有附託潛為 客代之二人俱為泰要結朝王楚客或懷金以略權貴 已五歲朕終不以孽代宗故窺窬之源也 者太子雖病足不廢步履且禮嫡子死立嫡孫太子男 雅於上見太子有足疾潛有奪嫡之志折節下士求聲 初太子承乾喜聲色吸獵所為夸靡魏王泰多藝能有 大學行後

以太子暗劣欲乘釁圖之因勘之反漢王元昌亦勘太 告太子謀反敕長孫無忌與大理中書門下參鞫之反 齊王祐反於齊州謂統干承基曰我宫西牆去大內正 子反射馬都尉杜荷為太子所親暱預其反謀太子聞 集怨望數令楚石引君集入東宮問其自安之術君集 部尚書侯君集之壻賀蘭楚石為東宫千牛太子知君 言泰罪惡較捕之不獲太子陰養刺客謀殺魏王泰吏 二十步耳與卿為大事豈比齊王乎夏四月承基上變

欽定四庫全書

ここりとしたり期 朕見如此甚憐之褚遂良曰陛下言大失願審思勿誤 子臣死之日當為陛下殺之傳位晋王人誰不爱其子 昨青雀奏小投我懷云臣今日始得為陛下子臣有 上面許立為皇太子長孫無忌請立晉王上謂侍臣曰 自盡侯君集等皆伏誅承乾既複罪魏王泰自入侍奉 形已具上謂侍臣将何以處承乾羣臣莫敢對通事舍 人來濟進曰陛下不失為慈父太子得終天年則善矣 一從之詔廢承乾為庶人幽於右領軍-府漢王元昌賜 大學行義

乾日臣為太子復何求但為泰所圖時與朝臣謀自安 治乃以状告上無然始悔立泰之言矣上面責承乾 於承乾以成今日之禍前事不遠足以為鑒陛下今立 也安有陛下萬歲後魏王據天下肯殺其愛子傳位晉 因起入宫魏王泰恐上立晋王治謂之曰汝與元昌善 魏王願先措置晋王始得安全耳上 王者乎陛下日者既立承乾為太子復寵魏王禮秋過 超灾四库 全書 元昌今敗得無憂乎治由是憂形於色上怪屢問其故 苳 四十 一流涕曰我不能爾

皆不可立联欲 選諸子為嗣誰可立者 卵華明言之衆 落其度內承乾既廢上御兩儀殿羣臣俱出獨留長孫 こうし 御建極殿召文武六品以上 謂曰承乾悖逆泰亦凶險 曰我欲立晋王無忌曰謹奉詔有異議者臣請斬之 抽佩刀欲自刺遂良奪刀授晋王治無忌請上所欲 是我心誠無聊賴因自投於床無忌等争前扶抱 無忌房玄齡李世勣褚遂良謂曰我三子 之術不逞之徒遂教臣為不軌耳今若立為太子所謂 大學行義 弟所為如

今太子失道藩王窺何者皆两棄之傳之子孫永為後 上謂侍臣曰我若立泰則是太子之位可經管而得自 皆誰呼曰晋王仁孝當為嗣上說遂立晉王治為太子 欽定匹庫全書 臣按太宗不世出之主也而於太子魏王之事其 進太子諸王宜有定分之說帝固是之矣使其因 失與孫權氏本末 此大正嫡庶之分車服禮秩咸立等差約敕魏王 同皆幾至於危國方裕遂良

文色四年 江南 亦不立且因是著為後世之法太子失道藩王窺伺者 無失於初故人君正家之道不可以不謹也 两季之於失之中而有得馬雖然與其有得於終孰若 本皆太宗溺於私愛不能自克之故也然承乾雖廢泰 疑忌而泰日以窺観雖欲禍亂之不生不可得已原其 不是之思而乃於魏王之寵終不之損由是承載日以 峻其交通賓客之禁則太子之志安而不軌之 謀塞矣 以上論嫡庶之分宜辨 大學行義

金好四月分言 定國本 廢奪之失宜監

去太子宜回以褒奴為后以伯服為太子太史伯陽曰

禍成矣幽王以號石父為卿用事國人皆怨又廢申后

兵兵莫至遂殺幽王驪山下虜褒奴於是諸侯乃即·

去太子也申侯怒與繒西夷犬戎攻幽王幽王舉烽火徵

子母申侯女而為后後幽王得褒奴愛之欲廢申后并

史記幽王嬖愛褒似生子伯服褒姒幽王欲廢太子太

大己日日 八十 會王世子於首止殊會尊之也首止衛 春秋僖五年公及齊侯宋公陳侯衛侯鄭伯許男曹伯 侯而共立战幽王之子宜匈是為平王 傳會於首止謀寧周也杜預曰恵王以惠后故将廢 其 太子鄭而立王子帶故齊桓帥諸侯會王世子以定 位胡安國曰王将以爱易世子桓公有憂控大國 臣按幽王廢正后易太子其禍至於如此故録以 為本篇之首云 ŢŢ 大學衍義 地而

娶二女於我大我狐姬生重耳大成唐叔子孫 **晋獻公然於齊姜舜姜武** 金好四月全書 舉而父子君臣之道皆得馬故夫子稱之曰管仲 桓公一匡天下民到於今受其賜微管仲吾其被髮 失則無人道矣故首止之盟美之大者也 左衽矣中國之為中國以有父子君臣之大倫也 扶小國會於首止以定其位太子踐作是為襄王 成子性包 伐驪戎驪戎男女以驪姬熙成小成允姓之伐驪戎驪戎 生秦穆夫人及太子中生 相

使太子主曲沃而重耳夷吾主蒲與屈則可以威民而 耳居浦城夷吾居屈羣公子皆鄙 临外事 使言於公曰曲沃君之宗也先君宗廟所嬖幸視使言於公曰曲沃君之宗也 蒲與二屈君之疆也不可以無主宗邑無主則民不威 **夕日日 白手** 我且旌君代佐母也哥侯就之夏使太子居曲沃重 場無主則改成心式之生心民慢其政國之患也若 大學行義 邑鄙 遑 先君宗廟所

五與東風嬖五别在 風塞者亦

塞者亦名五皆大夫為獻五在閨閥之外者東關學

歸生奚齊其娣生卓予驪姬嬖欲立其子略

関元年 又馬得立 趙夙御戎畢 萬為右 金好四月日書 士為曰太子 不得立美分之 可乎 魏還為太子城曲沃賜趙 耜 人相俱持廣 相 晋侯作二 與驪姬踏羣公子而立奚齊晉人 卿 墾傷 軍 王之 得 共起 晉 位通 室岩 如 r 岩相此伐 子 公将上 逃 萬御魏右 都 | 夙耿賜 之 如 城 其 無使罪至為異太伯 祖夙 而位 纹 軍太子申 父趙 畢萬魏以為 櫍 裒 ンス 有令名與其 卿 先為之 滅耿滅 謂之二五 生将 軍 極

其氏族里克諫曰太子奉家祀社稷之粢威里克雷也卑洛 **欠己四事心的** 從曰無軍守曰監國古之制也夫帥即專行謀師 朝夕視君膳者也 **祚太子其無晋乎** 事誓軍於宣號君與國政之所圖也非太子之事也 師在制命而已 留而及禍有令名 月晉侯使太子申生伐東山翠落氏 一命将 膳膳 且諺曰心首無瑕何恤乎無家 廚 大學行義 軍 故曰冢子君行則守有守則 禀命則不威專命則不孝 赤

旅調将 故君之嗣適不可以帥 子太子曰吾其廢乎對曰告之以臨民調居教之以軍 其舍之公曰寡人有子未知其誰立馬不對而退見太 金吳巴尼石書 依公服 佩之金玦以金太子将戰狐突諫曰不可與色其半佩之金玦以金太子将戰狐突諫曰不可 脩己而不責人則免於難太子帥師公衣之偏衣偏衣 宰伯說周桓公曰內寵並后外寵二政嬖子配適大都 太子帥師是失其官也 則 下軍不共是懼何故廢乎且子懼不孝無懼弗得立 不孝是為帥以 不威 師君失其官帥師不威将馬 専 命 且臣聞鼻落氏将戰君

炎色四年在馬 杜原欵或謂太子子辭 小臣亦斃姬泣曰賊由太子太子奔新城洪 姬謂太子曰君 夢齊姜必速祭之 齊姜太 傳四年公将立奚齊了! 必乎孝而安民于其圖之與其危身以速罪也 耦國亂之本也周公弗從故及於難令亂本成矣立 經六日明公之感公祭之地地墳與犬犬 斃與小再酒經宿賴敗而 肝於公所肉 立為太 公田姬真諸宫六日公至毒而 大學行義 自群君以辨馬以六日 既與中大夫成謀中大大 太子祭於曲 公殺其傅 里克也

經五年春晉侯殺其世子申生 月縊於新城 太子曰君實不察其罪被此名也以出人誰納我十 金人口居台書 君 臣按晋獻公用驪姬之讒殺太子申生蓋将私其 非姬氏居不安食不飽我解此好必有罪君老矣 之子卒不能享有晉國而徒以滋晉之亂蓋易五 子也又公薨奚齊立里克弑之卓子立又弑之 必不樂不樂為 由岳则 **讒書春從告書晉侯惡用** 君 曰子其行乎 勸 出 姬 奔

曾廷爭之强上問其說昌為人吃又威怒曰臣口不能 言然臣 欲廢太子而立趙王大臣爭之皆莫能得御史大夫周 弱 姬常從日夜啼泣欲立其子吕后年長常留守益疏 放然而笑吕后側耳於東廂聽既罷見昌為跪 高祖十二 7 謂如意類已雖封為趙王常留之長安上之關東戚 君二十 期 年戚姬有寵於上生趙王如意上以太子仁 知其不 餘年而後定然則國本其可以 可陛下欲廢太子臣期 大學行民 期不奉 輕揺 謝 詔

臣願先伏誅以頸血 污地帝 曰公罷矣吾直戲耳叔孫 通曰太子天下本本一 后與陛下攻苦食淡其可背哉陛下必欲廢適而立少 自使滅祀此陛下所親見令太子仁孝天下皆聞之品 年為天下笑秦以不蚤定扶蕪令趙髙得以訴立胡亥 者晉獻公以驪姬之故廢太子立矣齊晉國亂者數十 愈欲易太子張良諫不聽因疾不視事叔孫通諫曰昔 **微君太子幾廢十二年十一** 摇天下振動奈何以天下為戲 月上從破點布歸 疾益甚

釤定四庫全書

7

灰巴口唇 八十 令太子為書早辭安車因使群士固請宜來來以為容 能致者四人四人年老矣皆以上嫚侮士故逃匿山中 君安得高枕而卧良曰此難以口舌爭也顧上有所不 知所為或謂吕后曰留侯善畫計上信用之 吕后乃使 建成侯吕泽却良曰君常為上謀臣令上日 欲易太子 ,欲廢太子立趙王如意大臣多爭未能得吕后恐不 不為漢臣然上萬此四人今公誠能母爱金玉壁帛 大學行義

而亡匿今聞太子仁孝恭敬愛士天下莫不延頸願為 從吾兒遊乎四人曰陛下輕士善罵臣等義不辱故恐 從破布歸愈欲易太子良諫不聽叔孫太傅以死爭上 奉太子書早解厚禮迎此四人四人至客建成侯所上 時從入朝令上見之則 金灯四周全書 八前對各言其姓名上乃驚曰吾求公避逃我今何自 許之猶欲易之及宴置酒太子侍四人者從太子年 一有餘須眉皓白衣冠甚偉上 助也於是吕后令吕澤使 一怪問曰何為者四

使人持酰飲之黎明帝還趙王已死太后遂斷戚夫人 惠帝元年冬十二月帝晨出射趙王少不能蚤起太后 卷四戚夫人髡鉗衣赭衣令春召趙王至長安 是年帝崩太子即皇帝位尊皇后曰皇太后太后令永 此四人之力也 太子死者故臣等來上曰煩公幸卒調護太子四人為 | 畢 楊去上目送之召戚夫人指視曰我欲易之彼 朝羽真已成難動矣竟不易太子者良本招

とこり屋 たたう

天學行義

手足去眼輝耳飲瘡藥使居厕中命曰人最 多好四月全書 臣爭之者聚矣嫡庶之義長幼之序非不明也 嚴而不察何四老者高祖素知其賢而重之此其不 其明處告之求信則易也自古能諫君者未有不因 程爾曰坎六四納約自牖自牖言自通明之處人臣 其所明者也漢高愛戚姬将易太子是其所蔽也羣 有所敬有所通所敬者暗處也所通者明處也當就 以忠信善道結於君心必自其明處乃能入也人心 卷四十二 如其

昌叔孫通然而不從彼而從此者由攻其蔽與就其 胡寅曰張良招致四皓羽異儲宫方之齊桓公會合 明之異耳 且四老人之力孰與張良羣公卿其言之切孰若周 蔽之明心也故因其所明而及其事則悟之如反手 子乃致疑馬謂審有此是良為子結黨以拒父是蓋 國定王世子事簡而力不勞其績尤偉而世之君 知聖人深許首止之盟而稱管仲相齊一巨天下

灰足四車全套

大學行義

各留 勇張樂受賀上知之問朝臣曰近聞至日內外百官 汝為儲后當以儉約為先乃能奉承宗廟吾昔日衣服 見而不悅戒之曰自古帝王未有好奢侈而能長久者 使太子勇參決軍國政事時有損益上皆納之勇性寬 隋文帝受周禪以太子勇為皇太子開皇二十年初 金以口匠 之美也 意任情無矯飾之行上 |物時復觀之以自警戒後遇冬至百官皆請勇 Mult. 17 一性節儉勇嘗文飾蜀錐上 相

无幸其犯元氏無寵遇心疾二日 而费獨孤后意有他 與蕭妃居處後庭有子皆不育后由是數稱廣賢大臣 不平頗遣人何察求勇遇惡晉王廣知之彌自稱節唯 故甚責望勇自是雲昭訓專內政生子假等數人后彌 記停斷自是恩寵始哀漸生猜阻勇多內寵昭訓雲氏 也不得言朝上曰賀者正可三數十人隨情各去何乃 率朝東宫此何禮也太宰少卿辛亶對曰於東宫乃質 有司徵召一時善集太子法服設樂以待之可乎因下

たこすえ

1.1

大學行義

后亦泣下廣曰臣性識愚下常守平生昆弟之意不知 諸子廣為楊州總管入朝将還鎮入宫辭后伏地流涕 色還官以語侍臣意甚喜侍臣皆稱慶由是愛之特異 素故絕樂器之終不令拂去塵埃上見之以為不好聲 於別室唯留老聽者衣以鰻綠給事左右屏帳改用絲 來者無不稱其仁孝上與后當幸其第廣悉屏匿美姬 贱廣必與蕭妃迎門接引為設美與申以厚禮好僕往 用事者廣告傾心與交上及后每遣左右至廣所無贵

多好四样全書

とこう 皆先審於約而行之述 唯其弟約述雅知約請朝京師與約相見共圖之廣大 該未易謀也然能移主上意者唯楊素耳素所與謀 管宇文述素善問計於述曰皇太子失愛已久四海之 **悅多齎金寶資述入關約時為大理少** 望實歸大王然廢立者國家大事處人父子骨肉之間 於杯勺后忿然自是决意欲廢勇立廣矣廣與安州總 罪失愛東宫欲加屠腦每恐讒靜生於投杼鴆毒遇 Ł 請約威陳器玩與之 上 拳汀層 卿素凡有所為 酣暢因而

后以所欲不行每切齒於執政公雖自結於人主而欲 多定四庫 全書 今若請立晉王在 賢兄之口 耳誠能因此 時建大功王 太子失愛於皇后主上素有廢點之心此公所知者也 危公者亦多矣主上 何為爾述因通廣意說之曰公之兄弟功名蓋世當 述述因曰此晋王之賜令述與公為數樂耳約大騰曰 用事有年矣朝臣為足下家所屈辱者可勝數哉又儲 共博每陽不勝所齊金寶盡輸之約所得既多稍以 旦棄羣臣公亦 何以取成今皇 謝

言及違離未嘗不泣又其新婦亦大可憐我使好去常 也吾兒大孝愛每聞至尊及我遣內使到必迎 於境首 晉王孝悌恭儉有類至尊用此揣后意后泣曰公言是 子用事恐禍至無日矣素從之後數日素入侍宴微稱 結託則長保榮禄傳祚子孫兄若遲疑一 計行復謂素日今皇后之言上無不用宜因機會早自 因以白素素聞之大喜曰吾之智思殊不及此約知其 必永銘骨髓斯則去累卵之危成太山之安也約然之 旦有變令太

后又遣人伺阅東宫纖介事皆奏聞因加誣 還言勇怨望恐有他變深顧防察上聞素踏毀甚疑之 束带待之素故久不進以激怒勇勇街之形於言色素 安在仁壽官使楊素觀勇所為素至東宫偃息未入勇 素賛上廢立勇頗知其謀憂懼計無所出上知勇不自 日酣宴昵近小人疑阻骨肉我所以益憐 與之同寢共食豈若明他代身小 欽定四庫全書 常恐其瞽殺之素既知后意因威言太子不才后遂使 與阿雲謂雲 阿麼廣小 訓對坐終 飾以成其

火足四年 公馬 廢立君能告之則大富 貴威許諾 即上書告之秋九月 因脅姬威曰東宫遇失主上皆知之矣已奉密詔定當 何太子動靜密告楊素於是內外道誇過失日聞段達 晉王廣又令督王府軍事段達私路東宫幸臣姬威令 臣觀天文皇太子當廢上曰玄象久見羣臣不敢言耳 一靜皆隨事奏聞又東宮宿衛之人侍官以上名籍悉令 屬諸衛府有勇健者成屏去之太史令表充言於上曰 一遂疎忌勇廼於玄武門達至徳門置候人以伺動 大學行義

於是執太子左庶子唐令則等數人付所司訊鞫命楊 上因作色謂東宫官屬曰仁壽宫去此不遠而令我每 素陳東宫事状以告近臣素乃顯言之云云上曰此 還京師嚴備仗衛如入敵國豈非爾華欲害我國家耶 臣悉知之故於衆中發問其聞太子之過弘對既失旨 弘對曰臣等不稱職故至尊憂勞上既數聞諧毀疑朝 京即應開懷歡樂不知何意翻邑然愁苦吏部尚書牛 壬子上至自仁壽宫翌日御大與殿謂侍臣曰我新

金女口匠

本四十

與楊素舞文巧紙銀鍊以成其狱先是勇見老枯槐問 誰非父母生乃至於此朕近覧齊書見高歡縱其兒子 之上不應命姬成悉陳太子罪惡威對云云上泫然曰 姓付不肖子今欲廢之以安天下左衛大将軍元是諫 復居長望其漸改隱忍至今我雖德慚堯舜終不以萬 不勝忽情安可效尤邪於是禁勇及諸子部分收其當 口廢立大事詔旨若行後悔無及讒言罔極唯陛 不堪承嗣久矣皇后嘗勸我廢之我以布衣時所生地 4

たこりも

111.

大學行義

城門自然餓死素以威言詰勇勇不服曰竊聞公家馬 罪上及皇后选遣使責問勇勇不服冬十月乙丑上使 數萬匹勇恭備太子馬干匹乃是反乎素又發東宫服 別有所在至尊在仁壽宮太子常飼馬干匹云徑往守 此堪何用或對曰古槐尤宜取火時衛士 皆備火燧勇 貯艾數解素得之大以為怪以問姬威威曰太子此意 命工造數千枚欲以分賜左右至是複於庫又樂藏局 期節者悉陳之於庭以示文武羣官為太子之

多好四样全書

7

言畢泣下流襟既而舞蹈而去左右莫不関點初雲昭 言曰臣當伏尸都市為将來鑒戒幸蒙哀憐得全性命 くこうと しし **短歌教内人右庶子劉行本责之曰庶子當輔太子以** 左庶子裴政屡諫勇不聴唐令則 為勇所狎 昵每令以 訓父定興出入東宫無節數進其奇服異器以求悅娟 人召勇勇見使者驚曰得無殺我耶上戎服陳兵御武 於殿庭命內史侍郎薛道衡宣詔廢勇為庶人勇再拜 **徳殿集百官立於東面諸親立於西面引勇及諸子列** 大學行義

優進淫聲穢視聴事若上聞令則罪在不測豈不為 起白勇曰令則身為宫卿職當調護乃於廣坐自比 此勇嘗宴宫臣唐令則自彈琵琶歌娥媚娘洗馬李綱 庶子欲令輔導殿下不令為殿下作丟臣也勇慚而 正道何有取媚於房惟之間哉令則慙而不能改勇當 **彭定四庫全書** 及勇敗二人已卒上歎曰向使裴政劉行本在勇不至 得良馬欲令行本乘而觀之行本正色曰至尊置臣於 下之累邪臣請速治其罪勇曰我欲為樂耳君勿多事 基四十 倡

とこうし 以嗣守鴻業今乃以唐令則為左庶子鄒文騰為家令 乃陛下之遇非太子之罪也因伏地流涕嗚咽上惨然 敢發言臣何敢畏死不一 對者網獨回廢立大事今文武大臣皆知其不可而莫 網遂趨出及勇廢上召東宫官屬切責之皆惶懼無敢 良久曰李綱責我非為無理然徒知其一未知其二我 本中人可與為善可與為惡向使陛下擇正人輔之足 人唯知以終歌鷹大娱忧太子安得不至於是那此 1.1 大學行義 | 為陛下別白言之乎太子性

梅上不悅十 則文騰更選賢才以輔太子安知臣之終見疎棄也自 之所以不被親任者 良由姦臣在側故也陛下但斬令 罪頻請見上中冤而廣遏之不得聞勇於是升樹大呌 帝囚敌太子勇於東宫付太子廣掌之勇自以廢非 古國家廢立冢嫡鮮不傾危願陛下深留聖思無貽後 聞帝所其得引見楊素因言勇情志昏亂為顧思所 月戊子立晋王廣為皇太子天下地震

擇汝為宫臣而勇不親任雖更得正人 何盆 哉對曰臣

多定四庫全書

V

表四十二

者不可復收帝以為然卒不得見席並以亡隋 嫡之計久矣一聞后意有所不平於是緣飾者彌 宜非臣子所能欺也而太子勇任情率直則疑之 徳而廣則大賊也方其平時自娟於帝后欲為李 帝能博選名儒责以輔導切磋琢磨未必不為令 臣按隋文以術數取天下其操制羣下亦以街數 晉王廣矯情節詐則信之夫勇之天資中人耳使 而傾擠者彌巧觀廣之所以取謀於宇文述而)廣立是為場

次产马臣 (L)

大學行義

刘

金为四月百言 時所謂術數者果馬在耶廣既升儲又以勇付於 述之輸貨於楊約以自通於楊素者其安排布 其實安在哉帝至是如聾如瞶不復能自雜是非 立而不知所謂善美者出於諸人開闔之口也而 所謂罪戾者成於諸人織組之手也徒知廣之可 其手迨其垂沒乃始知廣之不足付而出召勇之 如戰國縱横之徒帝徒知勇之當廢而不知其 廢一立祗以為楊素等鬻賣之地耳不知平

子中原塗炭隋文帝納獨孤后之言點太子勇立場 與将害妾母子 唐玄宗開元末武惠妃諧太子瑛於上曰太子陰結黨 罪戾太子京城流血晋惠帝用贾后之替廢愍懷太 欲皆廢之 公信驪姬之讒殺申生三世大亂漢武帝信江充之 言則徒以殺其身而已矣事見通鑑听後之人 其於讒言罔極之際可不察哉 /張九龄諫曰太子天下本不可輕摇昔哥 恵妃子毒 王瑁也 亦指斥至尊上大怒以語字 文帝末年

欠己四月八十五

大學衍義

ŧ

瑛既死李林甫數勸立壽王瑁上以忠王與長且仁孝 問之李林甫曰此陛下家事非臣等所宜豫上意乃決 既贬又有潜太子瑛鄂王瑶光王 据典謀者上召室, 語白上上為之動色故終九龄罷相太子得無動九龄 **瑁必為太子子瑛廢則壽王** 奉詔恵妃密使宫奴牛貴兒謂九龄曰有廢必有與 遂失天下由此觀之不可不慎陛下必欲為此臣不 遂使官官宣制於官中廢瑛瑶琚為庶人尋賜死太子 金页四月月書 公為之援宰相可長處九龄叱之以其 柏

是也由是遂定立與為太子姦臣為 日豈非以郎君未定耶但推長而立誰敢爭上曰汝言 恭謹又好學意欲立之猶豫 嚴餘不决自念春秋萬三 |乗問問其故上曰汝我家老奴豈不能揣我意力士 范祖禹曰明皇三子之廢繋於李林甫之 佞則天性滅於仇讐置相可不慎哉 同日誅死繼嗣未定常忽忽不樂寝膳為之城萬力 **廢繋於張九龄之未罷相賢則父子得以相保相** 大事所義 餘已見前 言其得

欽定四庫全書 貞元三年初都國大長公主適財馬都尉蕭升公主不 大歷十四年代宗使宗即位立宣王誦為皇太子 而立姪得無失計乎上曰卿不愛家族乎對曰臣惟愛 孝友温仁沙曰陛下惟有一子奈何一旦疑之欲廢之 且為厭禱上大怒幽主於禁中切責太子太子不知所 謹唇事李昇等出入主第主女為太子妃或告主淫亂 家族故不敢不盡言若畏陛下威怒而為曲從陛下明 對請與蕭妃離昏上召李沙告之且曰舒王近已長立

嗣臣未知得歌其祀乎因嗚咽流涕上泣曰事己 我而子臣老矣餘年不足惜若免殺臣子使臣以姓為 多與宰相侯君集謀反事覺太宗使其舅長孫無忌與 故不亡對曰昔承乾屢嘗監國託附者衆來宫甲士甚 日悔之必尤臣云吾獨任汝為相不力諫使至此必復 朝臣數十人鞫之事狀顯白然後集百官而議之當時 相疑未有不亡國覆家者上曰貞觀開元皆易太子何 J. 17 ... J. 1. 朕如何而可對曰此大事願陛下審圖之自古父子 T 大學行義 +2 如此

者猶陛下子孫也至於開元之時武恵妃詩太子瑛兄 知義理者二十人與臣鞫其左右以有實狀願陛下 陛下必釋然知太子之無他矣若果有其迹當召大臣 從之并廢魏王泰願陛下從容三日完其端緒而思之 言者猶云願陛下不失為慈父使太子得終天年太宗 昔當令太子見臣於達來池觀其容表非有議目豺聲 貞觀之法行之廢舒王而立皇孫則百代之後有天下 弟殺之海內竟憤此乃百代所當戒又可法乎且陛下

欽定匹庫全書

朕家事何豫於卿而力爭如此對曰 天子以四海為家 語臣臣敢以宗族保太子必不知謀向使楊素許敬宗 太子班猶未可信况但以妻母有罪為累乎幸賴陛下 李林甫之徒承此古已就舒王圖定策之功矣上曰此 謀乎彼踏人者巧詐百端雖有手書如晋愍懷衷甲如 居少陽殿正寢殿之側木嘗接外人預外事安得有異 商臣之相也正恐失於柔仁耳又太子自貞元以來當

次定四重公馬

The second

大學行義

臣今獨任宰相之重四海之內一物失所責歸於臣況

言联今日悔無及矣皆如卿言太子仁孝實無他也自 此慮願太子起敬起孝苟泌身不存則事不可知耳 造人謝沙曰吾必不可救欲先自仰樂何如沙曰必 如初矣然陛下還宫當自審思勿露此意於左右露之 日思之沙抽笏叩頭而泣日如此臣知陛下父子慈孝 坐視太子竟横而不言臣罪大矣上曰為卿遷延至 則彼皆欲樹功於舒王太子危矣上曰具曉卿意太子 日上開延英殿獨召泌流涕闌干撫其背曰非卿

金女中四百言

、こうし 卿得全方屬子孫使卿代代富貴以報德何為出此言 乎部李昇等及公主五子皆流嶺南及遠州是為順 明察太子無罪臣報國畢矣願乞骸骨上曰朕父子賴 今軍國及朕家事皆當謀於卿矣泌拜 賀因曰陛下聖 臣按自古輕廢儲貳未有不由宰相之非人者故 据戮而子瑛之得未廢者以九 齡舒王之 不得奪 里克成謀申生縊楊素懷姦子勇囚林南趨利瑶 者以李沙然則為國者其可無忠賢之相哉觀 大學行義 立 泉

欽定四庫全書 學衍義卷四十二 為相者不幸而遇此要當以泌為法 泌告德宗之言忠誠懇篤宜其卒 大宜監